



Broj:02-05-5041/11

Sarajevo, 10.03.2011.godine

PREDSJEDAVAJUĆA SKUPŠTINE KANTONA SARAJEVO

PREDMET:Odgovor na poslaničko pitanje poslanika Besima Mehmedića

Poslanik Besim Mehmedić, na Prvoj radnoj sjednici Skupštine Kantona Sarajevo, održanoj 17.02.2011.godine, u okviru tačke dnevnog reda „Poslanička pitanja, inicijative i odgovori“, postavio je pitanje:

„ Obzirom da sastav Vlade Kantona Sarajevo nije usklađen sa Amandmanom XXIX na Ustav Kantona Sarajevo, da li je premijer, kao kandidat za premijera ispoštovao navedeni amandman prilikom sastavljanja Vlade, ako nije, što je evidentno, kada će predložiti izmjenu sastava Vlade s distance primjene Amandmana XXIX na Ustav Kantona Sarajevo“

ODGOVOR

Amandmanom XXIX na Ustav Kantona Sarajevo, utvrđeno je da će konstitutivni narodi i pripadnici grupe Ostalih biti proporcionalno zastupljeni u Vladi Kantona Sarajevo. Takva zastupljenost će odražavati popis stanovništva iz 1991.godine do potpune provedbe Aneksa 7, u skladu sa članom IX.11a. Ustava Federacije Bosne i Hercegovine.

Sastav stanovništva Kantona Sarajevo (devet prijeratnih gradskih općina) po nacionalnoj pripadnosti, po popisu iz 1991.godine, bio je :Hrvata 6,80%, Muslimana 49,95%, Srba 28,56%, Jugoslovena 10,98% i Ostalih 3,70%, od ukupno 510.694 stanovnika. Prema tom popisu, nacionalni sastav Vlade Kantona Sarajevo trebao bi biti: jedan Hrvat, šest Bošnjaka, četiri Srbina i dva pripadnika iz grupe Ostali.

Iako se podrazumijeva obavezna primjena navedene ustavne odredbe, prilikom predlaganja ministara to nije u cjelini provedeno, kao što to nije ostvareno ni u prethodnim vladama, ali je Skupština Kantona, po utvrđenoj proceduri, potvrdila sadašnju Vladu Kantona Sarajevo!

Istovremeno treba istaći da, za razliku od prethodne vlasti, kada su i predsjedavajući Skupštine Kantona Sarajevo i premijer Vlade Kantona Sarajevo bili iz reda istog naroda(Bošnjaka), u aktuelnoj vlasti, na ovim pozicijama, su osobe iz reda sva tri konstitutivna naroda.



web: <http://vlada.ks.gov.ba>

e-mail: premijer@vlada.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1





Ustavom Kantona Sarajevo utvrđen je samo princip za utvrđivanje nacionalnog sastava Vlade Kantona Sarajevo, a ne i određen broj članova Vlade prema nacionalnoj pripadnosti, kao što je to definisano Ustavom Federacije Bosne i Hercegovine za sastav Vlade Federacije BiH (osam ministara iz reda bošnjačkog, pet ministara iz reda hrvatskog naroda i tri ministra iz reda srpskog naroda, s tim da jednog ministra iz reda Ostalih može imenovati premijer iz kvote najbrojnijeg konstitutivnog naroda).

Inicijative pokrenute u Skupštini Kantona Sarajevo, u mandatnom periodu 2006.-2010.godine, od strane opozicije, da se na isti način, amandmanima na Ustav Kantona Sarajevo, između ostalog, utvrdi nacionalni sastav Vlade Kantona Sarajevo, od prethodnih vlasti nisu prihvaćene.

Do potrebnog sastava Vlade Kantona Sarajevo dolazi se matematičkom računicom, što neminovno dovodi do određenih odstupanja u odnosu na, Ustavom Kantona Sarajevo, utvrđeni princip. To ne isključuje obavezu da se, ukoliko se ukaže mogućnost, određena disproporcija u nacionalnom sastavu Vlade Kantona otkloni.

Dostavljeno:

1.Naslovu

2.Evidenciji Vlade Kantona Sarajevo

3.Arhivi

P R E M I J E R

Fikret Musić



web: <http://vlada.ks.gov.ba>

e-mail: premijer@vlada.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1

